

歷朝閨雅卷五目錄

七言律詩

明

沈瓊蓮 二首

送弟溥試春官

寄兄

孟淑卿 一首

香奩冬詞

吳素 一首

卧起偶成



董氏 一首

泊淮代外答唐太史

王鳳嫺 一首

館娃宮次韻命二女同作

張引元 二首

寄妹

次韻和館娃宮

張引慶 一首

次韻和館娃宮

陳德懿 八首

睡起

朱靜菴許過見訪作此以寄

行閩山

贈五臺尼雲秀峰

書懷

秋夕

書懷

高郵

朱靜菴 三首

春雨

湖曲

秋夜

黃氏 一首

庭榴

楊文儷 一首

聞雁

金文貞 一首

夏日送大卿赴任武岡

方孟式 一首

寄盛夫人

王虞鳳 一首

春閨詞

劉氏 一首

寄衣

王氏 一首

郊居

端淑卿 一首

春

鄧氏 一首

東園踏青

沈天孫 一首

頽桐

葉小鸞 二首

昭齊姊約歸阻風不至

早春侍兒折梅花至偶成

桑貞白 一首

題山水障

朱桂英 一首

題虎丘壁

潘氏 一首

寓金陵寄長兄野泉

羽儒 二首

落花

朱中楷 三首

亦園卽事

人日

雨餘登避暑臺

楊宛 一首

秋日書梵經藏佛腹

周文 二首

秋日過吳門感舊

中春道中送別

孫瑤華 一首

次韻汪仲嘉戲代蘇姬寄吳郎之作

王微 三首

湖上次韻答黃孟暉夫人

冬夜渡江

新秋逢人初度感懷諸女伴

景翩翩 一首

七夕

馬守真 一首

延秀閣和顧太湖韻

馬珪 二首

春日汎湖憶舊

許景樊 七首

皇帝有事天壇

次仲兄筠見星菴韻

次仲兄筠高原望高臺韻

送宮人入道

贈見星菴女冠

宿慈壽宮贈女冠

塞上次伯氏韻

李淑媛

二首

夢作

詠燕

歷朝閩雅卷五

經筵日講官 起居注翰林院學士兼禮部侍郎教習庶吉士加六級臣揆敘奉
敕纂進

七言律詩

明

沈瓊蓮

送弟溥試春官

少小離家侍禁闈
人間天上兩依稀
朝迎鳳輦趨青瑣
夕捧鸞書入紫微
銀燭燒殘空有夢
玉釵敲斷未成歸
年年望爾登金籍
同補山龍上袞衣

寄兄

疎明星斗夜闌珊玉貌花容列女官風遞鳳凰天樂
近雪殘鳩鵲曉樓寒昭儀引駕臨丹展尚寢薰爐蒸
紫檀肅肅六宮懸象魏春風前殿想鳴鸞

孟淑卿

香奩冬詞

默坐深閨思有餘霜威漸覺襲衣裾青綾被冷無鴛
夢紫塞天寒斷雁書竹葉舞風侵戶響梅花和月上
牕虛雙蛾爭似亭前柳臘盡春來忽又舒

吳素

卧起偶成

卧起憑闌強自行柳條搖曳聽黃鶯倦來花事偏難
謝病後鄉心最易生小砌簾陰垂永日方牀月影落
三更慈幃遠隔江南北未敢修書恐復驚

董氏

泊淮代外答唐太史

十年生事半同君萬里傷心逐楚雲遠浦維舟潮欲
上平林對酒月初分逢人牛馬時堪應到處鳧鷖漸
作羣共是機情忘已盡欲將通塞任斯文

王鳳嫺

館娃宮次韻命二女同作

香徑有基惟鳥跡
屎廊無主剩苔厓
花錢旋舞留金
麝蝸字縱橫見玉釵
頽榭草深歸燕繞
故宮月冷野
狐埋西風禾黍斜
陽道過此行人合愴懷

張引元

寄妹

金風初度井梧枝
正是懷人病起遲
兩地離愁懸一
鏡九秋新恨上雙眉
久虛詠雪聯芳句
每憶挑燈共
課時塞雁已歸書
未達江城寒月照相思

次韻和館娃宮

繁華事散惟荒土
麋鹿踪消只薜厓
皓月尚疑懸玉
鏡露桃猶似妒金釵
蛾眉一瞬歌塵散
魚腹千年俠
骨埋今日姑蘇重
回首嶺雲江水不勝懷

張引慶

次韻和館娃宮

禾黍已蒙香徑土
蘇臺還恨鎖蒼厓
雲歸疊疊堆鴉
鬢花落紛紛擲燕釵
此日錦笙惟鳥弄
當年雄劍自
塵埋荒原古栢西
風裏漫對吳山獨愴懷

陳德懿

睡起

旭日暉暉上枕屏芙蓉衾煖夢初醒銀鈞半捲鮫綃
帳玉醴新傾琥珀瓶梅樹結胎惟露紫竹枝含影尚
餘青凍蠅無力飛還墮又掛蛛絲入短檣

朱靜菴許過見訪作此以寄

美人會約來相訪底事雲駟竟不過深院雪消芳草
綠小園風過落梅多欲餐白石先投藥愛寫黃庭不
換鵝我欲共君修大道他年銅狄再摩娑

行閩山

行盡山溪路渺茫幾家茅屋對斜陽引泉竹溜穿厨
入壓粉松花遶舍香樵徑無人閒卧犢石田有雨漸

分秧平生頗有山林癖欲向溪邊結草堂

贈五臺尼雲秀峰

貝葉翻經下五臺翛然飛錫到天台鉢分甘露沾三
界手散曇花偏九垓機事忘時心地豁真空悟後性
田開何當得遂參禪約不二門中任往來

書懷

遊宦江湖已有年歸來晦跡愛林泉自知學道疎人
事每爲搜詩減夜眠閉戶欲尋芳草地捲簾愁對杏
花天肯將俗事縈懷抱須向山中作隱仙

秋夕

水滴銅壺夜漏停樓頭月午睡初醒丹爐養藥重添
火小閣焚香再禮星城城風聲敲木葉輝輝燈影照
幃屏擁衾忽爾成奇夢直駕長鯨過洞庭

書懷

五十年來鬢已華只將修煉作生涯丹書細閱求傳
道爐竈時封學養砂服食未諳雲母粉幽棲多種石
榴花閒來想像陶弘景高拱樓居遠俗譁

高郵

蕭蕭蘆葦沒長堤野色秋光總入題木落山空雲影
薄天高水濶浪痕齊商船泊岸牙檣密旅館招人酒

旆低一片孤帆隨鳥沒又聞柔櫓夕陽西

朱靜菴

春雨

濕雲漠漠雨如絲花滿西園蝶未知金屋曉寒鶯語
澀畫樓春晚燕歸遲宮桃有恨啼紅淚煙柳多情斂
翠睂檀板金尊久寥落孤城愁聽角聲悲

湖曲

湖光山色映柴扉茅屋疎籬客到稀閒摘松花釀春
酒旋裁荷葉製秋衣紅分夜火明書屋綠漲晴波沒
釣磯惟有溪頭雙白鳥朝朝相對亦忘機

秋夜

月轉梧桐夜未央
繡屏斜裊篆煙香
金風初起桂花落
玉露無聲秋夜長
碧漢望窮仙路遠
紫簫聲徹晚天涼
乘槎欲共天孫會
惆悵銀河路渺茫

黃氏

庭榴

移來西域種多奇
檻外緋花掩映時
不爲秋深能結實
肯于夏半爛生姿
翻嫌桃李開何早
獨秉雲根放故遲
朵朵如霞明照眼
晚涼相對更相宜

楊文儷

聞雁

帶月穿雲晚亦過
數聲嘹唳近銀河
川源萬里來何遠
關塞千重度更多
曾寄尺書歸上苑
還拖秋影落寒波
天涯旅客愁聞汝
喚起鄉心奈若何

金文貞

夏日送大卿赴任武岡

麥秋春去客程初
遠逐湖南萬里餘
人靜夜鶡啼有韻
道偏秋雁唳無書
簷蛛網就絲難盡
梅豆丸成苦未除
伯樂自來何處覓
錯將良驥駕鹽車

方孟式

寄盛夫人

繁霜百歲冷春幃常共寒燈泣落暉紅淚已辭機上
錦白頭尚著嫁時衣煙籠竹葉涼生案雨濕梨花靜
掩扉杯酒樓頭明月夜迢迢夢遶楚天微

王虞鳳

春閨詞

融和天氣喜初臨爲愛簪花却放針玉枕夢回人寂
寂瑤琴揮罷院沉沉綠鶯戲水穿荷影紫燕銜泥織
柳陰晝靜金爐香欲盡推牕滿地落紅深

劉氏

寄衣

不隨織女渡銀河每到秋來幾度過歲歲爲君身上
服絲絲是妾手中梭剪刀未動心先碎一作剪聲自
覺和腸斷
針線纔縫淚已多一作線脚那
能抵淚多長短只依元式樣不
知肥瘦近如何

王氏

郊居

悶倚蒼藤趁晚晴殘蟬衰柳不禁鳴花間燒筍茶煙
濕竹底篝燈露氣清月向水中流夜色風從蘆裏撼
秋聲憑誰借得飛雲履不憚崎嶇上玉京

端淑卿

春

院外鶯啼二月中
妝臺日影映簾櫳
潤回野草茸茸綠
暖入瓊枝簇簇紅
乍試輕羅沾社燕
偶嘗新釀醉東風
閒來點檢芳時事
花底青絲墜小蟲

鄧氏

東園踏青

芍藥叢邊露氣沉
步隨芳草共幽尋
桃花薰日紅濃淡
柳葉迷煙翠淺深
何處香泥忙社燕
誰家晴檻噪時禽
峭寒羅襪渾無力
斜倚東風碧樹陰

沈天孫

頽桐

朱萼疑看九月楓
繁枝又借嶧陽桐
丹鬚吐舌迎風艷
絳蠟籠紗照月空
西域應分安石紫
寢宮可作麥英紅
綠珠宴罷歸金谷
七尺珊瑚映水中

葉小鸞

昭齊姊約歸阻風不至

寒爐撥盡燼微紅
漠漠江雲黯碧空
離別遂如千里月
歸期偏悵一帆風
愁邊花發三春日
夢裏年驚兩鬢中
雨雪滿牕消未得
定應握手幾時同

早春侍兒折梅花至偶成

遲遲簾影映清宵日照池塘凍欲消
公主梅花先傳額美人楊柳未垂腰
紗牕繡冷留餘線綺閣香濃透
畫綃試問侍兒芳草色堦前會長翠雲條

桑貞白

題山水障

皜皜鮫綃渾朔雪誰人幻出幾重山村前
綠樹千林暗洞口寒雲一片閒
搖漾漁舟依野岸清幽茅屋傍
溪灣夜來睡覺東牕曉恍入蓬萊仙島間

朱桂英

題虎丘壁

梵閣頻臨入紫霞憑闌極目渺無涯
天連瀚海三千里煙鎖吳城十萬家
南北舟航搖落日高低丘隴接
平沙老僧不管興亾事安坐蒲團課法華

潘氏

寓金陵寄長兄野泉

萬丈華峰浙水東天涯秋晚思無窮
兄南弟北三年別越水吳山兩地同
明月晚光移檻白芙蓉秋色映
江紅鶴鴒誦罷情無已片楮聊將托便鴻

羽儒

落花

一自相從十八姨春山遊遍故枝移撲簾時助嬌娥
繡點硯常窺騷客詩國色尚存衣帶引清香不改月
明知蝶來北苑蜂南去誰向樓頭話別離

其二

纔向詩人又酒人半留牕屋半鋪茵自來姣好根荄
薄却爲輕狂轉盼頻任是穠華迎淑景也應飄泊到
殘春青陽若得常如舊子建何須賦洛神

朱中楷

亦園卽事

決明初茂暑初收斷續蟬聲自唱酬翠閣峭風驚宿
燕石門斜月挂清秋驅炎漫怯螢光度別夢還同蕉
影浮玉露漸隨宵漏永閒牕如畫又疑舟

人日

和風先釀隔年春曲曲溪流尚帶蘋酒泛麻姑還壽
母雲留月姊正窺人香生几案盤辛美羹煮園蔬摘
甲頻共對晴光看浴鶴小伶歌奏一回新

雨餘登避暑臺

晚妝纔罷試齊紈夏木陰陰落照殘欲向層臺窺遠
堞偶飛疎雨染重巒濕雲緩度鶯聲老涼月還生燕

語歡共挹荷香思茗飲輕風有意送梅酸

楊宛

秋日書梵經藏佛腹

碧瓦雲楸映半塘靜從秋色到修篁聊存心力於經
卷不負閒身任草堂微雨暗飄毫素潤輕風徐動墨
池香書成却恨無人識故向真空密處藏

周文

秋日過吳門感舊

香殘帶緩不勝愁又見蕭條一片秋身到故鄉翻是
客心唯明月許同舟數聲新雁凌江下幾點寒鴉逐

水流遮莫平生多少恨閒吟欹枕更悠悠

中春道中送別

酒香衣袂許追隨何事東風送客悲溪路飛花偏細
細津亭垂柳故絲絲征帆人與行雲遠失侶心隨落
日遲滿目流光君自惜莫教春色共差池

孫瑤華

次韻汪仲嘉戲代蘇姬寄吳郎之作

由來嬌愛競新知空結同心不忍持山上蘼蕪寧再
遇陵西松柏詎相期羅襦明月君休繫紈扇秋風妾
不辭極目自憐春欲盡流鶯飛處草離離

王微

湖上次韻答黃孟暉夫人

去住湖山別有緣
門前紅葉滿來船
劉綱夫婦霞爲骨
謝蘊家庭雪作篇
翠袖風前誰薄醉
黃楊樹底與參禪
迴思飄渺伊人跡
只隔鴛鴦南浦煙

冬夜渡江

楚雲天際似相邀
旅思無端鬪沈寥
篙影沒寒燈寂寂
寂樹聲留咽岸蕭
蕭波從去雁分斜
月人共棲鳥匝半
宵一片離心煙共
水江南江北自歸
潮

新秋逢人初度感懷諸女伴

憶昔年年秋未分
曉妝一院氣氤氳
階前暗印朱絲履
牕裏同縫白練裙
子夜歌成猶待月
六時參罷悟行雲
卽今拾翠溪邊望
涼露如珠逗水紋

景翩翩

七夕

樓前蕭史憶吹簫
雁足西風倍寂寥
望斷支機應化石
愁填烏鵲未成橋
素毫月冷吟梧葉
紈扇秋回識柳條
姊妹東隣如乞巧
莫教瓜果浪相招

馬守真

延秀閣和顧太湖韻

飛閣凌雲

一作空

向水開好風明月自將

一作逐人

來千江

練色明書幌萬疊嵐光拂酒杯何處笛聲梅正落誰

家尺素雁初迴芳樽竟日羣公坐

一作山翁好客情無極

得侍

登高

一作羨爾翩翩

作賦才

馬珪

春日汎湖憶舊

自昔湖山羅綺春客中君喜及花辰開尊向午催開
舫問水臨沙拜問人踏遍莎痕還碧嫩眠餘柳色轉
清新獨憐車馬多非故歌舞依然十里塵

其二

若箇釵行憶昔招曲池阡木漸蕭蕭浪翻金錦猶餘
麗花落胭脂尚帶嬌綺席已更蓮葉舸彩繩又挂綠
楊橋相逢此後忻非晚蕩槳從君不記朝

許景樊

皇帝有事天壇

羽蓋徘徊駐碧壇壁階清夜語和鑾長生錦誥丁寧
說延壽靈方子細看曉露濕花河影斷天風吹月鶴
聲寒齋香燒罷敲鳴磬玉樹千章遶曲欄

次仲兄筠見星菴韻

雲光高嶂失芙蓉琪樹丹崖露氣濃梵閣香殘僧入

定講堂齋罷鶴歸松蘿懸古壁啼山鬼霧鎖秋潭卧
毒龍向夜一燈明石榻東隣月黑有疎鐘

次仲兄筠高原望高臺韻

龍嵒危棧接雲霄峰勢侵天作漢標山脈北臨三水
絕地形西壓兩河遙煙塵暮捲孤城出苜蓿秋肥萬
馬驕東望塞垣鼙鼓急幾時重起霍驃姚

送宮人入道

拜辭清禁出金鑾換却鴉鬟著玉冠滄海有緣應駕
鳳碧城無夢更驂鸞瑤裾振雪春雲暖瓊珮鳴空夜
月寒幾度步虛銀漢上御衣猶似奉宸懽

贈見星菴女冠

淨掃瑤臺揖上仙曉星微隔絳河邊香生嶽女春遊
鞞水落湘娥夜雨絃松色冷侵虛殿夢天香晴拂碧
階泉玄心已悟三生境玉塵何年駕紫煙

宿慈壽宮贈女冠

燕舞鶯歌字莫愁十三嫁與富平侯厭携寶瑟彈朱
閣喜著花冠禮玉樓琳管月明簫鳳下綺牕雲散鏡
鸞休松風朝暮空壇上鶴背泠泠一陣秋

塞上次伯氏韻

侵雲石磴馬蹄穿陟盡重岡若上天秋晚魚龍眠巨

歷朝圖形 卷五
壑雨晴虹蜺作入聲落飛泉將軍鼓角行邊急公主琵琶說怨偏日暮爲君歌出塞劍花騰躍匣中蓮

李淑媛

夢作

橫海靈峰壓巨鰲六龍晨吸九河濤中天樓閣星辰
近上界煙霞日月高金鼎滿盛丹井水玉壇晴曬赤
霜袍蓬萊鶴駕歸何晚一曲鸞笙老碧桃

咏燕

畫棟深深翠幕低雙飛雙去又雙棲綠楊門巷東風
晚青草池塘細雨迷趁蝶幾番穿藥圃壘巢終日啄

芹泥托身得所棲偏穩養子年年羽翼齊

歷朝閨雅卷五 終

歷朝閨雅卷六目錄

五言絕句

唐

上官昭容 二首

遊長寧公主流杯池

七歲女子 一首

送兄

張文姬 三首

雙槿樹

池上竹

溪口雲

楊德麟 一首

題奉慈寺

蔣蘊 一首

古意

張瑛 一首

望月

王氏 一首

贈李生

孟氏 一首

獨遊家園

蘇檢妻 一首

夢寄夫

濡口女郎 一首

感懷詩

安邑坊女子 一首

幽恨篇

新林驛女子 一首

吟示歐陽訓

李冶 二首

春閨怨

結素魚貽友人

薛濤 二首

風

聞蟬

劉采春 二首

囉噴曲

宋

汴梁宮人 一首

宮詞

李清照 一首

貴妃閣

賈蓬萊 一首

咏蝶

朱淑真 二首

書牕卽事

黃淑 一首

咏竹

元

管道昇 一首

畫梅

鄭允端 八首

水竹居

仲穆小景

蘭

筍

蓮

梅

白梅

紅梅

孫蕙蘭 五首

觴壽詩

春日對雪

詠梅

題團扇

拂袖

明

鄒賽貞 一首

鷺鷥小景

孟淑卿 一首

題畫

董少玉 一首

採蓮曲

端淑卿 一首

採蓮

潘氏 二首

重陽

秋月

黃氏 一首

暮秋

尹紉榮 一首

雨後江望

張引元 一首

山居

黃淑德 一首

客中聞子規

朱德璉 一首

偶題

斗娘 一首

送夫

月... 目錄 五

劉雲瓊 一首

春閨

梁小玉 一首

雜詠

朱中楷 一首

晚秋懷里

李因 一首

舟發黃河

梅生 一首

寄外

趙燕如 一首

答人寄吳箋

正德間妓 一首

詠骰子

景翩翩 三首

與蘇生話別

三月卽事

野外

王微 一首

題姬人畫蘭

歷朝閩雅
許景樊 二首

相逢行

效崔國輔

俞汝舟妻 一首

賈客詞

成氏 一首

倚雲樓

李淑媛 二首

採蓮曲

登樓

歷朝閩雅卷六

經筵日講官 起居注翰林院掌院學士兼禮部侍郎教習庶吉士加六級臣揆敘奉

敘纂進

五言絕句

唐

上官昭容

遊長寧公主流杯池

瀑溜晴疑雨叢篁晝似昏山中真可翫
斲請報王孫

其二

橫鋪豹皮褥側岸鹿胎巾借問何爲者
山中有逸人

七歲女子

送兄

別路雲初起離亭葉正飛所嗟人異雁不作一行歸
張文姬

雙槿樹

綠葉競扶疎紅姿相照灼不學桃李花亂向春風落
池上竹

此君臨此池枝低水相近碧色綠波中日日流不盡

溪口雲

一片溪口雲纔向溪中吐不復歸溪中還作谿頭雨

楊德麟

題奉慈寺

日月金輪動旃檀碧樹秋塔分鴻雁翼鐘挂鳳凰樓
蔣蘊

古意

昨夜巫山中失却陽臺女朝來香閣裏獨伴楚王語
張瑛

望月

天漢涼秋夜沉沉一鏡明山空猿屢嘯林靜鶴頻驚
王氏

贈李生

念子還相思見環重相憶願君永持翫循環無終極
孟氏

獨遊家園

可惜春時節依前獨自遊無端兩行淚長祇對花流
蘇檢妻

夢寄夫

楚水平如鏡周回白鳥飛金陵幾多地一去不知歸
濡口女郎

感懷詩

海門連洞庭每去三千里十載一歸來辛苦瀟湘水

安邑坊女子

幽恨篇

卜得上峽日秋天風浪多江陵一夜雨腸斷木蘭歌
新林驛女子

吟示歐陽訓

月明階悄悄影隻腰身小誰是騫翔人願爲比翼鳥
李冶

春閨怨

百尺井欄上數枝桃已紅念君遼海北拋妾宋家東

結素魚貽友人

尺素如殘雪結爲雙鯉魚欲知心裏事看取腹中書

薛濤

風

獵蕙微香遠飄絃唳一聲林梢鳴浙瀝松徑夜淒清

聞蟬

露滌清音遠風吹故葉齊聲聲似相接各在一枝棲

劉采春

囉噴曲

不喜秦淮水生憎江上船載兒夫婿去經歲又經年

其二

莫作商人婦金釵當卜錢朝朝江口望錯認幾人船

宋

汴梁宮人

宮詞

畫燭雙雙引珠簾一一開輦前齊下拜歡飲辟寒杯

李清照

貴妃閣

金環半后禮鉤弋比昭陽春生百子帳喜入萬年觴

賈蓬萊

咏蝶

薄翅凝香粉
新衣染媚黃
風流誰得似
兩兩宿花房

朱淑真

書牕卽事

花落春無語
春歸鳥自啼
多情是蜂蝶
飛過粉墻西

其二

一陣挫花雨
高低飛落紅
榆錢空萬疊
買不住春風

黃淑

詠竹

勁直忠臣節
孤高烈女心
四時同一色
霜雪不能侵

元

管道昇

畫梅

雪後瓊枝嬾
霜中玉蕊寒
前村留不得
移入月中看

鄭允端

水竹居

修竹不受暑
清泉似可人
閒居少隣並
終日自相親

仲穆小景

一舸夷猶去
溪山似越中
白頭柁樓底
恐是杜陵翁

蘭

並石疎花瘦臨風細葉長靈均清夢遠遺佩滿沅湘

筍

竹林春雨過瘦筍迸苔長坐待成高節清標出短墻

蓮

本無塵土氣自在水雲鄉楚楚淨如拭亭亭生妙香

梅

歲寒冰雪裏獨見一枝來不比凡桃李春風無數開

白梅

清白傳家遠山林歷歲深平生堅正操不畏雪霜侵

紅梅

心腸真鐵石顏色勝丹砂寄語癡兒女休看是杏花

孫蕙蘭

觴壽詩

燈前催曉粧把酒向高堂但願梅花月年年映壽觴

春日對雪

采閣閉朝寒妝成擬問安忽聞春雪下喚婢捲簾看

詠梅

粲粲梅花樹盈盈似玉人甘心對冰雪不愛艷陽春

題團扇

小小春羅扇團團秋月生蟠桃花樹裏繡得董雙成

歷朝圖形
拂眉

自拂雙眉黛何曾慣得愁若教如翠柳便恐不禁秋
明

鄒賽貞

鷺鷥小景

聯拳屬玉兒飛向磯頭立秋寒雪不消點破江天碧

孟淑卿

題畫

嶺樹盤雲轉溪紆路亦斜晚來煙靄合無處認山家

董少玉

採蓮曲

看山望湖南乘風往湖北綽約蕩輕舟荷花減顏色

端淑卿

採蓮

風日正晴明荷花蔽洲渚不見採蓮人只聞花下語

潘氏

重陽

獨坐小牕下幽蛩不絕鳴青天孤月淨滿耳是秋聲

秋月

園亭當水中兩岸蘆花雪夜深人未眠碧波蕩秋月

黃氏

暮秋

野色滿園中閒情立晚風菊花含雨艷楓葉醉霜紅

尹紉榮

雨後江望

雨後水更明秋風漸漸聲寒天白露滿江上曉煙橫

張引元

山居

樹密禽語清日高花氣薄小軒傍幽巖當牕掛飛瀑

黃淑德

客中聞子規

陌上柳條新逢春倍惜春忽聞啼杜宇愁殺未歸人

朱德璉

偶題

偶聞淙水曲欲託黃金徽絃手不相應心隨別鶴飛

斗娘

送夫

疋馬離違日黃花正晚秋君心宜自適莫爲妾多憂

劉雲瓊

春閨

百舌五更啼啼聲驚繡闥王孫歸未得芳草自萋萋
梁小玉

雜詠

松響翻清籟泉聲浣俗塵白雲堪贈客明月解留人
朱中楷

晚秋懷里

落葉驚殘夢秋歸人未歸水明天一色鴉帶晚霜飛

李因

舟發黃河

風挾雷霆鬪河流日夜聲小舟眠未穩野寺曙鐘鳴

梅生

寄外

落葉滿庭塔秋風吹復起遙憶別離人寂寞何堪此

趙燕如

答人寄吳箋

感君寄吳箋牋上雙飛鵲但效鵲雙飛不效吳箋薄

正德間妓

詠骰子

一片寒微骨翻成面面心自從遭點灑拋擲到如今

景翩翩

與蘇生話別

十日平原酒三秋江上船
一經搖落後明月幾回圓
三月卽事

野外

三月春無味楊花惹曉風
莫行流水岸片片是殘紅
曉雨泉爭響春山鶯亂啼
流雲兩三片移過石橋西
王微

題姬人畫蘭

借郎畫眉筆爲郎畫
紈扇紈扇置郎懷
開時郎自見
許景樊

相逢行

相逢青樓下繫馬門前柳
笑脫錦貂裘試取新豐酒
效崔國輔

春雨暗西池輕寒襲羅幕
愁倚小屏風墻頭杏花落
俞汝舟妻

賈客詞

朝發宜都渚北風吹五兩船
頭各澆酒月下齊蕩槳
成氏

倚雲樓

登臨無限意春思獨搔頭
虛榻松鳴雨村田麥借秋

李淑媛

採蓮曲

蓮葉裁成幄，蓮絲織作裳。清芳殊不歇，持此贈仙郎。

登樓

小白梅逾耿，深青竹更妍。憑闌未忍下，爲待月華圓。

歷朝閨雅卷六

終

